

# დილა

აჰეჰი, ტურუა ქვეანუ,  
იღისუ, ქართული მხარუ,  
და ჰუნ, ქართული, სწავლითა  
სამსიბლო, გახსინუი!

საქართველოს ალკა ცენტრალური კომიტეტის  
ყოველთვიური საბავშვო ჟურნალი მცირეწლოვანთების

572  
1951





ი. ზაიში

ნახატები ი. კალაძისა

## მთავარ მოედანზე

ერთი პატარა გერმანული ქალაქის შესახებ უნდა ვიამბოთ. იგი ომის დასასრულს ამერიკელებმა დაიკავეს. მაგრამ შემდეგ იმ ქალაქში ჩვენები შევიდნენ. მცხოვრებლები გულთბილად შეხვდნენ საბჭოთა არმიის მებრძოლებს.

კოლონამ მთავარ მოედნისაკენ გაუხვია და უძებ გაისმა მეთაურის ბრძანება: — სდექ!

მებრძოლები და ოფიცრები შედგნენ და გაოცებით შეჰყურებდნენ ბრინჯაოს ძეგლს.

ჩვენს მებრძოლებს ცოტა ძეგლები როდი უნახავთ გერმანულ ქალაქებში. მაგრამ ეს იყო განსაკუთრებული, იგი ლენინის ძეგლი იყო.

— დახარეთ დროშები! — ბრძანა მეთაურმა და გამარჯვების დროშები, რომლებიც მებრძოლებმა სტალინგრადიდან ბერლინამდე მიიტანეს, ბრინჯაოს ქანდაკების წინ მსუბუქი შრიალით დაიხარა. მეთაურმა გამოჰკითხა მცხოვრებლებს, თუ საიდან გაჩნდა ეს ძეგლი გერმანულ

ქალაქში, სადაც სულ ცოტა ხნის წინათ ფაშისტები ბატონობდნენ.

და აი, რა უამბეს მას.

\* \* \*

ქალაქში არის დიდი ქარხანა; ომის დროს იქ ამუშავებდნენ მთელი ევროპიდან იძულებით მოყვანილ ხალხს: ინგლისელებს, ჩეხებს, ფრანგებს, პოლონელებს. მათ შორის რუსიც იყო, მას ვასილს ეძახდნენ. მისი გვარი არაიენ იცოდა, მაგრამ მას იცნობდნენ როგორც მამაც ახალგაზრდას, — იგი თავგანწირულად ებრძოდა ფაშისტებს, იცავდა მშობლიურ სოფელს. მაგრამ ყუმბარის აფეთქებისაგან ცნობიერება დაჰკარგოდა, გონს მხოლოდ პატარებელში მოვიდა; ფაშისტებს იგი სხვა ტყვეებთან ერთად გერმანიაში მიჰყავდათ.

„გავიქცევი! — ფიქრობდა ის, — არ ვიცხოვრებ ფაშისტურ ტყვეობაში“.

მაგრამ გაქცევა შეუძლებელი იყო. ტყვეებს სასტიკად ადევნებდნენ თვალყურს.

ვასილს ვაგონების დაცლაზე ამუშა-

ვებდნენ. ქარხანაში ყოველდღე მიდიოდა ტანკების, ხარბაზნების, თვითმფრინავების ნამსხვრევებით სავსე დიდი სატვირთო მატარებლები.

ფაშისტებს ძლიერ უჭირდათ ლითონი. ამიტომ ეზიდებოდნენ ყველაფერს, რის გადღწობაც შეიძლებოდა. ვასილს არ უნდოდა დახმარებოდა მათ, და მხოლოდ თვალის ასახვევად მუშაობდა.

ერთხელ იგი დიდ სატვირთო ვაგონს ცლიდა. აუჩქარებლად იღებდა ხან სვასტიკიან სპილენძის ფილას, ხან „მესერ-შმიდტის“ ფრთას, ხან დამტვრეულ მოტორს... ვასილს უხაროდა, რომ მატარებლებს აღმოსავლეთიდან იმდენი ნამსხვრევები მოჰქონდათ. მაშასადამე, ჩვენები ფაშისტებს მაგრად ურტყამენ!

უცებ მოეჩვენა, თითქოს ლენინის სახე დაინახა. თავის თავს არ დაუჯერა, მაგრამ როდესაც კარგად დააკვირდა, ნახა, ვაგონში ლითონის გროვას შორის დევს ბრინჯაოსაგან ჩამოსხმული ლენინის დიდი ქანდაკება.

იგი განსაკუთრებულმა გრძნობამ შეიპყრო. თვალწინ დაუდგა თავისი აღრინდელი თავისუფალი ცხოვრება. გულზე რაღაც მოაწვა, თვალღებზე ცრემლი მოადგა. თავი ვედარ შეიკავა, დაიხარა და ბრინჯაოს ცივ შუბლს ეამბორა.

\* \* \*

ვასილმა ჩუმად დაუძახა შორიახლოს მდგომ ფრანგს, რომელსაც ანრი ერქვა. ანრი დააცქერდა ქანდაკებას, უცებ ვასილისაკენ შემობრუნდა და აღერსიანად წარმოსთქვა:

— ლენინი!

მან ხელი დაუქნია ინგლისელ ჯონს, რომელიც ჯალამბართან მუშაობდა, ჯონმა შეხედა ქანდაკებას და ისევე ალერსით ინგლისურად წარმოსთქვა:

— ლენინი!

...ყველამ იცნო ლენინი: ჩეხმა, პოლონელმა, ზანგმა; ყველა, ვინც კი ვაგონთან მიდიოდა, უმაღლეს სცნობდა ლე-

ნინს და ჩურჩულით, სიყვარულით იმერებდნენ:

— ლენინი, ლენინი!

მაგრამ ლენინის ყურება დიდხანს არ დასცალდათ, ვაგონის გასწვრივ უკვე გამოჩნდა გუშაგი ავტომატით ხელში და გაჰყვიროდა:

— შენელოერ! (სწრაფად!)

ვასილმა და მისმა ამხანაგებმა დაიწყეს ვაგონიდან ყოველგვარი ნამტვრევების გადმოყრა. მალე მთელი ქანდაკება გამოჩნდა, და ვასილი მიხვდა, რომ ეს იყო ლენინის ძეგლი, რომელიც საბჭოთა ქა-




ლაქში იდგა. ფაშისტებმა, როგორც ქურდებმა, მოიპარეს იგი და გერმანიაში მოიტანეს გადასაღწობად.

„არა, ეს არ მოხდება!“ — გადაწყვიტა ვასილმა და თავისი აზრი ამხანაგებს ნიშნებით გაუხიარა.

ყველანი: ინგლისელი, ჩეხი, ფრანგი, პოლონელი, უმაღლეს მიუხედავად ვასილს და ერთხმად იმერებდნენ:

— არ შენელოერ! ლენინი!

ქენი



\* \* \*

როგორც კი გუშავი მატარებლის ბოლოსკენ გაიქცა, ანრიმ და ჯონმა ჯალამბარით ასწიეს ქანდაკება და ფრთხილად დასდეს საზიდზე.

ვასილი ვავონის საფეხურიდან ჩამოხტა და საზიდის სახელურს ხელი იმანაც ჩაავლო.

ქანდაკება განზე გადაიტანეს და დაიწყეს თათბირი, როგორ მოქცეულიყვნენ, მაგრამ გუშავი ისევ მოვარდა:

— რატომ შეჩერდით? სწრაფად!

სხვა გზა არ იყო. საზიდი ისევ ვიწრო ლიანდაგზე გაავორეს.

და აი, გაიღო ფართე კარები. მის იქით თუხთუხებდნენ დიდი საღნობი ღუმელები. ერთ-ერთ ღუმელთან იდგა ხანშიშესული გერმანელი, ლურჯი სათვალითა და გაცვეთილი კეპით. ეს იყო ძველი მექურე. მან მოხივდა და დაიყვირა.

— რას აყოენებთ? მოიტათ, თორემ ღუმელი ცდება!

ვასილმა უფრო მაგრად ჩაავლო ხელი საზიდის სახელურს; აბა, სცადოს მექურემ ქანდაკების აღება! შავი დღე დაადგება. აქ შეიძლება გუშავისა არ მოგვრიდოს. ისინი ამ საამქროში არ შემოდის, რადგან აქ გერმანელები მუშაობენ.

— ხომ არ დაყრუვდით? — დაიყვირა ისევ მექურემ, ლურჯი სათვალეები მოიხსნა და საზიდთან მივიდა.

ტყვეები მჭიდრო რკალად შემოერტყნენ მას. მოხუცი მუშა საზიდს დააქვერდა: — მოიცათ, მოიცათ! ეს ვინ არის? ლენინი! — აღმოხდა მოხუცს. მან ხელი ასწია და ძველი, მრავალადგილას ამომწვარი კეპი მოიხადა. შემდეგ უცებ აჩქარდა:

— რაღას უდგებართ? წაიღეთ უკანა ეზოში, სწრაფად, ვიდრე ღამეა... ვიდრე ბნელა! სწრაფად!

— გამაღობთ, მეგობარო! — რუსულად უთხრა ვასილმა და სხვებთან ერთად საზიდი უკანა ეზოს გასასვლელისაკენ გაავლორა.

იქ, მივარდნილ კუთხეში, მუშებმა შესაფერი ადგილი მოძებნეს; მიწა დატკეპნეს, ჩააღრმავეს, შიგ ქანდაკება ჩადეს და ზემოდან მოხერხებულად დაფარეს.

ქანდაკება მთელი ორი წლის განმავ-

ლობაში, — ომის დამთავრებამდე, ინახებოდა ქარხნის ეზოს სამალავში.

\* \* \*

და აი, დამთავრდა ომი. ქალაქში ამერიკელები ვაბატონდნენ. მოხუცი მექურე ორ მუშასთან ერთად მივიდა ამერიკელ კომედანტთან და უთხრა:

— ჩვენ გვინდა ქალაქში ძველი დავდგათ.

— ვისი?

— ლენინის!

— რაო? — გაჯავრდა ამერიკელი. — ბოლშევიზმს აერცვლებთ?! ნებას არ მოგცემთ!

მაშინ ყველანი მიხვდნენ, რომ გერმანული ფაშისმის ადგილი ამერიკულმა დაიკავა. მუშებს კვლავ მოუხდათ ქანდაკების დამალვა. ახლა უკვე — ამერიკელებისსავანა.

მაგრამ ორი თვის შემდეგ, როცა ვასილი უკვე სამშობლოში დაბრუნდა, იმ ქალაქის მცხოვრებლებმა გაიგეს, რომ მათი ქალაქი საბჭოთა ზონაში მოხვდა და ყველას გაუხარდა.

მოხუცმა მექურემ იმ ღამეს ვერ დაიძინა, ქარხანაში წავიდა და ამხანაგებს უთხრა:

— ამერიკელები აიბარგნენ, მოდით, ძველი დავდგათ. ხვალ დილით ქალაქში რუსები მოვლენ და მოედანზე ლენინს ნახავენ.

ღრო ცოტა ჰქონდათ. ზაფხულის ღამე მოკლეა. მაგრამ მუშის ხელებს შრომისა არ ეშინია. ყველამ ერთსულოვნად მოჰკიდა ხელი სამუშაოს და შუალაშისათვის მოედანზე უკვე აღიზარა ქვის მაღალი კვარცხლბეკი. შემდეგ მოიტანეს ქანდაკება და ზედ დადგეს.

დილის მზემ გაანათა ბრინჯაოს მაღალი ფიგურა: ლენინი ცოცხალივით იდგა მოედანზე ახალი დღის შესახვედრად გავწვილი ხელით...

ასე გაჩნდა ქალაქში ლენინის ძველი. ის ახლაც იქ დგას. პირველ მაის კვარცხლბეკთან იკრიბებიან პიონერები, რთავენ მას გაზაფხულის ყვავილებით; ლენინი კი დგას და კეთილი, ლენინური ღიმილით გაჰყურებს ძველ გერმანულ ქალაქს.

თარგმანი ბ. შელიაშ



თინათინ კვიციანი

## მორიგე

ნახატი ალ. ზანძელაძისა

აჩქარებულ ნაბიჯით  
გამოვიდა ბინიდან  
და მარინე სკოლაში  
სულ ზირველი მივიდა.  
მურცხალივით გოგოა,  
მუყაითი, გამრჯელი,  
დაფა განაზრიალა,  
გამოაღო ფანჯრები.  
რვეულები დააწეო,  
მერსხე ნაწილ-ნაწილად,

მასწავლებლის მავიდა  
გულმოდგინედ გაწმინდა;  
ჯარასავით ტრიალებს,  
ეს ზატარა მორიგე.  
მალე კოხტად ჩაცმული  
სანიტრებიც მოვიდნენ.  
ხვალ რუსიკოს ჯეორია,  
მოვა დილხაზდრიან,  
რა ფაქისი, რა კარგი  
გოგონები არიან!



ლავით ბაქრაძე  
საბჭოთა კავშირის გმირი

ნახატი წ. მეძმარიაშვილისა

## მუდამ უნდა ფრთხილობდე

(პარტიზანის მოგონება)

მტერმა უკან დახვევა იწყო, დილის ცხრა საათისათვის სოფელი მტრისაგან თითქმის საბოლოოდ გაწმინდეთ.

მართლაც დაუვიწყარი ღამე იყო. არცერთ პარტიზანს არ დაუსვენია. ავტომატმოღერებელი ღარბოდნენ ისინი ეზოებსა და ქუჩებში. ჩვენი ყოვანი ცას სწვდებოდა. გაქცეულ მტერს მუსრს ავლებდნენ პარტიზანები. ზოგმა გაქცევაც ვეღარ მოასწრო. საათობით გარინდებული ისხდნენ საქათმეებში შეძძვრალი გერმანელები. ამ სურათის მნახველი პატარა ვასია მიროშკინი არაჩვეულებრივად მხიარული იყო; სულ დარბოდა და იცინოდა.

— აქ არის, აქ! სად შეძძვრალო, ხედავთ! გარეთ. გამოდი, ჩქარა, გამოდი მეთქი, გეუბნები!—მიმართავდა ვასია საქათმესი დამალულ ფაშისტს და ავტომატს მოუღერებდა.

— ვასია!—ვუთხარი მას,—ბევრს ნუ დახტიხარ, ფრთხილად იყავი; ხომ ხედავ, სოფელი ჯერ კიდევ არ არის მთლიანად გაწმინდილი მტრისაგან, სიფრთხილედ გმართებს!

— ეჰ, ამხანაგო მეთაურო, სამწყებად

შეკრულ მტრის თავდაცვაში შევპარულვარ, იქ ორ-სამ დღეს დავრჩენილვარ და შემდეგ უვნებლად დავბრუნებულვარ. საქათმეში და საბატეში თავშეფარებული ფრიცები აბა, რას დამაკლებენ?!

— ფრთხილად, ჩემო ვასია, ფრთხილად იყავი, კოკა წყალს ყოველთვის არ მოიტანს!

— ღარიგებისათვის გმადლობთ, ამხანაგო მეთაურო, ფრთხილად ვიქნები! —თავაზიანად მითხრა ეს უკანასკნელი სიტყვები და ისევ სირბილით გაუდგა გზას. ბავშვს თვალი გავაყოლე და გამეღიმა: ამ პატარა ბიჭუნას რამდენჯერ უხსნია ჩემი ასეული განსაცდელისაგან, პარტიზანების დავლება რამდენჯერ პირნათლად შეუსრულებია.

— ამხანაგო მეთაურო!—მითხრა ამ დროს ოცეულის უფროსმა,—შემოწმების შედეგად მოგახსენებთ, რომ სოფელი მტრისაგან საბოლოოდ გაწმინდილია.

— ერთხელ შემოწმება არ კმარა; სოფლის ყველა კუნჭული გასინჯეთ!

— კიდევ შევამოწმებთ, ამხანაგო მე-

თაურო!—თქვა მან და ფიცხლავ გზას გაუღდა.

პარტიზანები ქუჩებში ცხენებს კვლავ დააგელვებდნენ, ძაღლები განუწყვეტელივ ყეფდნენ.

უცბად ავტომობილის ჯერის ხმა გაისმა. ამ ხმას რამდენიმე ავტომობილი გამოეხმაურა. მალე იქით გავეშურე.

— ნუ მოკლავ, ცოცხლად დავირჩინოთ!—გაიძახოდნენ პარტიზანები და თან პატარა ქოხს ალყას ავლებდნენ.

— რა მოხდა?—ვიკითხე და ამ დროს დავინახე, რომ ფარაჯაზე გაწოლილ ცხედარს ჩემსკენ მოასვენებენ პარტიზანები.

— ვასია მოგვიკლეს, ამხანაგო მეთაურო, საბრალო ბავშვი! მერე რა უბრალო შემთხვევაზე წააგო თავი!—მეუბნებო დამწუხრებული პარტიზანი.

ერთ ადგილზე გავქვავდი; ვხედავ, ის არის, ჩემი პატარა ვასია, ჩვენი ერთგული მეზობელი. გულამოძგდარი, გაფითრებული ვღგვეარ, ვგრძნობ, რომ თვალები მეწვის, ცრემლი მერევა. ქული მოვიხადე.

— რა მოუვიდა ამ საცოდავ ბავშვს! —ვიკითხე პარტიზანებს.

— აი, იმ ქოხის სახურავზე, მტერი ყოფილა დამალული, ბავშვს ჩაუვლია, ჰიტლერელმა სახურავიდან ავტომობილის ჯერი დაახალა.

ვასიას მაჯა გავუსინჯე, სიცოცხლის ნიშან-წყალი არ ეტყობოდა. თვალების უბებში სველი ჰქონდა, ჩანდა სიკვდილის წუთებში უტირია საბრალოს.

ოცი წუთის წინ, სწორედ აქ, იმ ადგილას, სადაც მისი ნეშტი ესვენა, ეს სიცოცხლით სასვე, ცქრიალა ბავშვი დახტოდა და კისკისებდა.

— ვასია მოუკლავთ, ვასია მოუკლავთ!—იძახდნენ ყოველი მხრიდან მოსული პარტიზანები... ცხედარის ირგვლივ წრედ იდგნენ ქანდაკებასავით გაქვავებულები და ქულმოხდილები...

— მკვლელი სად არის?—ვიკითხე.

მოხუცმა პარტიზანმა ფეხი წინ წამოღდა:

— ამხანაგო მეთაურო, გვინდოდა მკვლელის ცოცხლად დაჭერა, მაგრამ არ მოხერხდა, სახურავიდან ისკუბა იმ ძაღლმა; იძულებული ვიყავით, მოგვეკლავა, თორემ შეიძლებოდა ხელიდან წაგვსვლოდა.

მთელმა შენაერთმა უმაღლ გავიგო ვასიას დაღუპვის ამბავი, სინანულს გამოთქვამდა დიდი და პატარა.

გვირ პატარა ვასიას, მკვრილიდან სამამულო ომის პირველი ხარისხის და წითელი ვარსკვლავის ორდენები ავხსენი და მის ბიძას ჩავაბარე, რომელიც ჩვენს შენაერთში ომის დაწყებიდან იბრძოდა. პატარა ვასია სწორედ ამ ბიძამ მოიყვანა ჩვენთან, რადგან ვასიას მშობლები ფაშისტებს ჩამოეხრჩოთ.

ვასია, შტაბის მახლობლად, მაღალი ნაძვის ძირში, სამხედრო წესრიგით დავკრძალეთ. სასაფლაოზე ხის ძველი ადვმართეთ წარწერით: „აქ განისვენებს ჩვენი პატარა ვასია მიროშკინი, კოვპაკის სახელობის პარტიზანების შენაერთის მეკავშირე“.

უპატრონოდ დარჩა ბავშვის ცხენი. ეს ცხენი ვასიას უკრაინის ერთ სოფელში გლენხმა აჩუქა. „დამთავრდება ომი და ჩემს ბაჩას დიდი მადლობით პატრონს დაუბრუნებო“ ამბობდა ბავშვი.

ვასიას ტოლებმა, შენაერთის მეკავშირეებმა, გადაწყვიტეს პატივი ეცათ ამხანაგისათვის, ომის დამთავრების შემდეგ ავსრულებინათ ვასიას ანდერძი, ცხენი პატრონისათვის ჩაებარებინათ. მაგრამ ერთ-ერთი ბრძოლის დროს, რკინიგზის გადასარბენზე ცხენი ავტომობილის ტყვიებმა დააცხრილეს.

დიდი ღვაწლი დასდეს ჩვენს შენაერთს პატარა მეკავშირეებმა. დიდებთან ერთად მხარდამხარ იბრძოდნენ კომკავშირეები და პიონერები, ისინი დაზვერვაში სასწაულებს ახდენდნენ.



ქეთევან ჭილაშვილი

ნახატი ვლ. ტორტაძისა

## სამი მოთხრობა

### ჭიავ, ჭიავ, მაპოვნიე!

მარინე სოფელში ჩავიდა თუ არა, თავისი ტოლი მაგდა იკითხა. აი, წითელკაბიანი მაგდაც! პაწია გოგონები მეგობრულად გადაეხვივნენ ერთმანეთს.

მარინემ მაგდას ორი ცალი შოკოლადი გაუწოლა. მაგდამ ერთით მაშინვე პირი ჩაიტკბარუნა, მეორე კი ჯიბეში შეინახა.

თამაშობაში მაგდას შოკოლადი დაპყრობდა.

— ვაიმე, ჩემი შოკოლადი!— შეწუხებული ხმით იძახდა მაგდა, თან ცარიელ ჯიბეში ხელს აფათურებდა.

მერე რაღაც გაახსენდა, ხელები ზურგზე დაიწყო და შოკოლადს გულმოდგინედ დაუწყო ძებნა:

— ჭიავ, ჭიავ, მაპოვნიე, მე შენ დედას ვაპოვნიებ, ჭიავ, ჭიავ, მაპოვნიე, მე შენ დედას ვაპოვნიებ!— იმეორებდა მაგდა, უფროს და-ძმისაგან გაგონილ სიტყვებს.

მარინე ცნობისმოყვარეობით შესცქეროდა მეგობარს.

— მაპოვნიე, მაპოვნიე!— შესძახა გო-

გონამ და წითელ ქალღალღში გახვეული შოკოლადი ხელში აიტაცა.

— ახლა შენ აპოვნიე ჭიავს დედა!— გაახსენა მარინემ.

— როგორ უნდა ვაპოვნიო?— გაღაკისკისა მაგდამ.

— მაშ რატომ შეპპირდი?— მოკმუნხა სახე მარინემ.

— ისე, ტყუილად!

— ტყუილად შეპპირდი?

მაგდამ იგრძნო, რომ მარინეს არ მოეწონა მისი ნათქვამი, გაახსენდა დედის დარიგება:

პირობას თუ დადებ, უნდა კიდევ შეასრულოო.

შეწუხებულმა გოგონამ თავი ასე გაიმართლა:

— მე ვერ დავინახე, რომელმა ჭიავმა მაპოვნიე, თორემ დედას რატომაც არ ვაპოვნიებდი?!

მეგობრები ისევ წითელ ქალღალღში გახვეულმა შოკოლადმა შეარიგა.

ნაპოვნი შოკოლადი მათ შუაზე გაიყვეს.



## დარეჯანი

საბავშვო ბაღის ეზოში ბავშვები გაფანტულიყვნენ; ზოგი ცხენობანას თამაშობდა, ზოგი—ბურთს; თეთრბანტიანი ლეკვა ჰაერზე დედოფალას აძინებდა, დარეჯანი და რუსუდანი კი ეზოში დაყრილ ქვიშაში თამაშობდნენ.

აღმზრდელმა ბავშვებს საუზმეზე დაუძახა.

დარეჯანი და რუსუდანი ხელების დასაბანად წყლის ონკანთან ყველაზე ბოლოს მივიდნენ.

ამ დროს მათ დამლაგებელ ლიზას ხმამაღალი ლაპარაკი შემოესმათ:

— ნეტავი ვიკოდე, ქვიშიანი ნაფხურებით ვინ დამისვარა იატაკი?— ჯავრობდა იგი.

წამოწითლებულმა დარეჯანმა და რუსუდანმა ერთმანეთს შეხედეს, დანაშაული იგრძნეს.

—რუსუდანი! მოდი, ჩვენ თვითონ მო-

ვასუფთაოთ იატაკი.—შეეხვეწა დარეჯანი.

— რა ჩენი საქმეა?—მიუგო შუბლშეკრულმა რუსუდანმა, ხელები შეიმშრალა და სასაუზმო ოთახში შეირბინა.

დარეჯანი კი საკუქნაოსაკენ ბუტბუტით მიმავალ დეიდა ლიზას წამოეწია, იატაკის ტილოს აღება დაასწრო და სირბილით უკან გამობრუნდა.

დარეჯანის საქციელით გაკვირებულ დეიდა ლიზა ცნობისმოყვარეობით ადევნებდა თვალს მის მოქმედებას.

დარეჯანმა იატაკს გულმოდგინეთ დაუწყო წმენდა, გახარებულმა დამლაგებელმა აღერსიანი თვალებით შეხედა პატარას და ტილო ჩამოართვა.

— ყოჩაღ, დარეჯან, ყოჩაღ! — შეაქო აღმზრდელმა მასწავლებელმა დარეჯანი, მხარზე ხელი გადახვია და ხელის დასაბანად გაგზავნა, რომ საუზმეზე არ დაგვიანებოდა.

## გულკეთილი ბიჭუნა

ნოდარის მამა სამსახურიდან რომ დაბრუნდა, თავის ბიჭუნას ქალაღღში გახვეული სათამაშო მოუტანა.

ნოდარმა მაშინვე გახსნა ქალაღღი და საჩუქრით კმაყოფილმა შესძახა:— მოტორიანი ნავი!.. რა კარგია!.. გახარებულმა პატარამ მეზობლად მცხოვრებ გივისთან შეირბინა.

მეგობრებმა გულდასმით დაათვალიერეს სათამაშო, მერე კი მომართეს და წყლით სავსე აბაზანაში გაუშვეს.

— მიტურავს, მიტურავს!..— აღტაცებით შესძახეს ბიჭუნებმა.

— ნოდარ, მეც რომ ასეთი ნავი მქონდეს, შევაჯიბრებდით,—რომელი გაუსწრებდა!..—თქვა გივიმ.

ის იცო ნოდარს უნდა ეთქვა: მამამ შენც გიყიდოსო, რომ გაახსენდა—გივის მამა არა ჰყავდა...

— გივი, ეს ნავი შენი იყოს, მე მამიკოს ვთხოვ და კიდეც მიყიდის.—მეგობრულად უთხრა ნოდარმა გივის.

გივიმ უარის ნიშნად თავი გააქნია, მაგრამ ნოდარი ისე წამოვიდა სახლში, რომ სათამაშო აღარ წამოიღო.

ოთახში შესვლისთანავე ბავშვმა მამასთან მიირბინა:

— მამიკო, კიდეც მიყიდე ნავი!— მოწიწებით უთხრა მან მშობელს.

— მერე და რად გინდა ორი ერთნაირი სათამაშო? გაიკვირვა მამამ.

— ის გივის ვაჩუქე, იმას ხომ მამა არა ჰყავს?!— თანაგრძნობით უპასუხა ბავშვმა.

მამამ ნოდარს გულკეთილობა მოუწონა და ნავის ყიდვას დაჰპირდა.

წესრიგი

მოითმინე, კურდღელო, უნდა ფრთხილად იარო, ვიდრე მე არ გავიშნებ, გზა არ გადაიარო!

ასე მოუხეხიარო და სულსწრაფი რადა ხარ; გავეტარებ მანქანას, და მერე შენ გადახედავ.

ის რიგი რომ ჩაივლის, გზას გადაჭრის ეს რიგი, მე გოგიაშ დახედავ, რომ დაეცვა წესრიგი.



თქვენთან გვინდა თამაში!

იპ, იპ, რა კარგები ვართ, სუფთები და კოხტები, ნეტავ გაგაგებინა, რომელ ბავშვთან მოგებდებით;

ძალით ხომ არ დაგვაშტრეფს, ხომ არ დაგვაზიანებს? გვინდა, შევებღებოთ პატარებს

უკვიტებს, თუაზიანებს. ფარკებში გაგაწყვეს ხელით, ფხელი, თუ-პირით, ბავშვებს გაეხარებთო,—

ყველას ასე დავებრდიოთ. იპ, იპ, რა კარგები ვართ, ახალთახალ კანაში, წაგვიყვანეთ, ბავშვებო, თქვენთან გვინდა თამაში!

საანგარიშო

ეს ერთია, ეს ორია, ესეც—სამი (კალია, მერე—ოთხი, მერე—ხუთი... ადვილია ძალიან, სასკიპონოც, სათამაშოდ სულ აიღრა მკალია! თამარქალი თელას მისწავლის, დასათვლელი მიყიდა,— მძივებივით ეხასხაუნებ აქეთა და იქითა. აი, ერთი, აი, ორი, ერთად—სამი (კალია)... ხის რგოლებით ვანგარიშობ, მიხარია ძალიანი



ანანი

მე ვარ ასო ანი, მე ვახლავარ ბანი, მე კი—ასო ვანი, აგერ შორბის დანი! სხვა და-შეხებუც გვევანან ჩვენი მომდევნონი. ანი, ბანი, განი,

განი, ბიჭო, განი! ჩამოეწყრივით, ნახეთ ღონს მოჰყვება ენი. ანიანი ვართ კოხტა, ყველას მოსალხენი. ოულაკამეტნი ვართ სულ დები და ძმები, შეისწავლი ყველას, როცა გვიხორღები.





ქ. გომიპეილი

ნახატი გრ. ჩირინაშვილისა

## მდინარის პირას

სალამოვდებოდა.

ვიწრო ხეობაში პიონერ-მოსწავლეებით საცხე მანქანა შეჩერდა, — რაღაც გაუფუჭდა.

— ზალე გაკეთდება? — ჰკითხა ლაშქრობის ხელმძღვანელმა თედომ შოფერს — სულ მალე, — მიუგო შოფერმა.

მაგრამ უეცრად ქარმა დაუბერა, ღრუბელი შეჰყარა და მალე წვიმაც წამოვიდა.

თედომ განკარგულება გასცა და მანქანა რამდენიმე წუთში დაცარიელდა. სურსათ-სანოვაგე და საშვავრო ნივთები გადაიტანეს დიდი კაკლის ხის ქვეშ, მდინარის პირას.

კოკისპირული წვიმა მოდიოდა.

ბავშვები დაფაცურდნენ და მალე კარები გაშალეს. ცეცხლი დაანთეს, ივანეშმეს და ყველანი თავიანთ საქმეს შეუდგნენ: საგზაო ნათურაზე ზოგი ჰაერს თამაშობდა, ზოგი დღიურს წერდა და ზოგიც კელლის გაზეთს ამზადებდა.

უცბად ყველანი შეკრთნენ. გარედან რაღაც ხმაური გაისმა. ბავშვები კარვინდან გარეთ გამოცვივდნენ.

— ძია თედო, ვესმით?

— აქეთ, აქეთ... ჯოტია აქეთ წამოდი... ვაიმე, რა ვქნა, — მოისმა ხმა, რომელსაც გაბმული ტირილი მოჰყვა.

— ვიღაც ტირის, — თქვა თედომ და მდინარეს მიუახლოვდა.

კამ დაიგრგვინა, გაიელვა, დაიჭიქა და სადღაც შორს მეხი გავარდა, წვიმისა და მდინარის ხმაური იქაურობას აყრუებდა. თედომ ელექტროსანათი ანთო და მეორე ნაპირს მიიხანათა, წყალში რაღაც ლანდი მოჩანდა.

— მმუუუ! — გაისმა ზმუილი.

— ეგ სანაოი და თოკი მომეცით, — უთხრა თედოს პიონერხელმძღვანელმა გვიმ, რომელმაც კარგი ცურვა იცოდა.

— თოკი მოიტანეთ! — გასძახა თედომ.

თენგიზი კარვისაკენ გაიქცა და თოკი სწრაფად მოიტანა.

გრიმ ფეხსაცმელები გაიძრო, შარვალი აიკეცა, თოკი წელში ჩაიბა, თოკის ბოლო თედოს მიაწოდა. სანათი გამოართვა.

— თედო! თოკს ხელი არ გაუშვა; ნუ გეშინიათ, სახეფათო არაფერია, წყალი პატარაა.— თქვა მან და ფეხი მდინარეში შედგა.

— სად მიხვალ, კაცო, არ იცი, რა ძლიერია მთის წყალი?! — შესძახა თედომ, მაგრამ წყალში შესული გივი სანათით უკვე გზას მიიკვლევდა.

— უკან დაბრუნდი, ნუ მიდიხარ! — კვლავ შესძახა თედომ გრვის და თოკი აღარ მიუშვა.

— თოკი გამოუშვი, თორემ წავიქცევი! — დაიყვირა გივიმ და გზა მიანიც განაგრძო.

— ვი... პო... ვენ!... — ცოტახნის შემდეგ წამოიძახა გივიმ, ის უკვე გარკვევით ხედავდა წყალში ჩამდგარ ძროხას, რომელიც აღიდებულ მდინარეს ებრძოდა.

— შენი ჭირიმე, მომეხმარე!... — მოესმა უცბად ბავშვის ხმა. გივიმ სანათი ასწია და დაინახა მაღალ ქვაზე შესკუპებული ბიჭუნა, რომელსაც ხელში სახრე ეჭირა. მან ძროხისაკენ გაიწია, მაგრამ გაუჭირდა წყალთან ბრძოლა, ფეხს ძლივს იკიდებდა.

— ეჭვი... ეჭვი — ისმოდა ნაპირიდან ხმა.

— აქა ვარ, აქა, მალე გა-მო...ვალ!... — გასცა პასუხი გივიმ, მერე ძროხას მისწვდა, რქებში თოკი ჩააბა და ხმამაღლა გასძახა:

— თოკი გასწიეთ, თოკი! თედომ და ბავშვებმა თოკი გასწიეს. გივიმ ძროხა იქ გააჩერა, სადაც წყალი პატარა იყო. და ისევ უკან გაბრუნდა.

— რა ვულადია გივი, ხედავ?

— ეს პატარა წყალი როგორ შეაშინებს, ცურვაში პირველობა აქვს აღებული!

— ძია თედოც იმიტომ დათანხმდა ამ წყალში შესვლაზე! — ისმოდა ბავშვების საუბარი.

გივი ქვაზე მჯდომ ბიჭუნას მიუახლოვდა:

— მწყემსი ხარ?

— დიახ.

— გამოდმა უნდა გამოხვიდე?

— ჰო!

— წამოდი, შენი ძროხა უკვე სამშვიდობოზე; ერთად გავიდეთ, ნაპირზე ჩვენები არიან, — უთხრა მან სახეგაბრწყინებულ ბიჭს და ხელი გაუწოდა.

ბიჭუნა ფრთხილად ჩამოვიდა ძირს, გივის ხელი ჩაჰკიდა და ორივე ნაპირისაკენ გაემართა.

— თოკი გასწიეთ, თოკი. — დაყვირა გივიმ.

ყმაწვილები ამოდრავდნენ, თოკს ჩაეჭიდნენ და მცირე ხნის შემდეგ წელამდე დასველებული გივი, სოფლელი ბიჭუნა და ძროხა უკვე ნაპირას იყვნენ.

წვიმა გადაიღო. ქარმა ღრუბლები გაჰფანტა, ცაზე აქა-იქ ვარსკვლავები გამოჩნდნენ.

— ვინ ხარ, ბიჭიკო? — ჰკითხა თედომ სოფლელ ბიჭს.

— ტყეში ჩემი ჯოტია ძროხა დავკარგე, ვეძებდი, შემომალამდა... ჯოტია კინაღამ წყალმა დაახრჩო, ფონი ვეღარ ვნახე...

— აქაური ხარ?

— დიახ.

— წავიდეთ, ბავშვებო, — გასძახა თედომ ბავშვებს და ყველანი კარავში შევიდნენ.

კარვის შესასვლელთან ცეცხლი გუზგუზებდა და ნაპერწყმებს ისროდა.

— აბა, სწრაფად ვიხადე ტანსაცმელი, სულ მთლად სველი ხარ, გაეშროთ! — მიუბრუნდა უცნობ ბიჭს თედო. გარედან ძროხის ბლავილი მოისმა.

— გამადლობთ, სახლში წავალ, — თქვა სოფლელმა ბიჭუნამ და წასვლა დააპირა.

— მოიცა, გაშრი, გათბი, შეგცივდებოდა,— შეაჩერა თედომ.

— არა, ძია, წავალ, ახლოს ვცხოვრობ.

— რა გქვია, ბიჭიკო?

— ელგუჯა.

— სწავლობ?

— დიახ.

— ბავშვებო, ტანსაცმელი გამოიცვალეთ, წვიმამ თქვენც დაგასველათ!— მიმართა ექიმმა.

— მარად გამოიცვალეთ და შემდეგ აბა, თქვენ იცი! — დაუმატა თედომ და ბავშვებს თითქოს რაღაც ანიშნაო, — პიონერები დატრიალდნენ, სტუმარს ტკბილეული მიართვეს, ახალი წიგნებიც აჩუქეს.

— ეს მოთხრობა ვიცი, ამასწინათ რადიოთი მოვისმინე! — წამოიძახა გახარებული ელგუჯამ და წიგნი გადაფურცლა. მეგრე თედოს და გივის დიდი მადლობა გადაუხადა, ბავშვებს დაემშვიდობა, ერთმანეთის მისამართი ჩაიწერეს და გარეთ გამოვიდა.

— წავიდეთ, ჯოტია,— დაუყვავა მან კარავთან მდგარ ძროხას და წინ გაიგდო. აღმართზე ღიღინით მიდიოდა ელგუჯა.

თვითონაც კარგად არის, ჯოტიაც დახრჩობას გადაჩა, ბავშვებიც გაიცნო. რა კარგ დროს შეხვდნენ ეს ქალაქელი პიონერები! წელს უეჭველად წაპყვება მამას ქალაქში და ახალ მეგობრებსაც ინახულებს, თვითონაც ხომ ქალაქში უნდა ისწავლოს შემდეგ! ფიქრობდა იგი გზაში და ხვეულ ბილიკებს მხიარულად მიჰყევოდა.

განთიადისას გაისმა საყვირის ხმა და მოლაშქრე პიონერ-მოსწავლეები მდინარის პირას შეიკრიბნენ. სუფთა ჰაერზე ივარჯიშეს, ისაუბმეს და წასასვლელად მოემზადნენ.

დღით, ნახუჯარი წიგნებით ხელში გზაზე მდგარი ელგუჯა, თავის პატარა დასთან ერთად, ხელს უქნევდა ხეობაში მიმავალ მანქანას, რომელზედაც ისხდნენ პატარა მოლაშქრეები.

### ბ ზ რ ი ა ლ ა

#### ნიქო ნაიაშიძე

— ერთი მიყურეთ, რა ყოჩაღი ვარ, როგორ ვტრიალებ! ბზრრ, ბზრრ, ბზრრ! აბა, ვინ არის ჩემისთანა სწრაფი, ვის შეუძლია შემედაროს? ბზრრ, ბზრრ! — ზუზუნებდა ბზრიალა.

პატარა დათიკოს, რომელიც თასმას უქნევდა ბზრიალას და ატრიალებდა, ამხანაგმა დაუმახა და გაიქცა. ბზრიალა მიანიც ბზუოდა და ტრიალებდა, მაგრამ ჩქარა ტრიალი შეანელა და წაიქცა.

სათამაშოები: თოჯინა, დათვი, ცხვა-

რი და სხვები უცქეროდნენ, რომ ბზრიალა წაიქცა და კი არ ებრალებოდათ.

— ასე ეკადრება მკვებარას, — ბურღუნებდა დათვი.

— რა ამპარტავანი იყო, ასე ეგონა, რომ თვითონ ტრიალებდა, — ამბობდა დინჯი ცხვარი.

— ჰამ, ჰამ, ასე ეგონა, მუღამ ასე ვიტრიალებო, — ჰყეფდა შავი ფინია.

— როგორ მოსწონდა თავი, და როგორ წაიქცა! არც ისე ლამაზი ყოფილა, როგორც ჩანდა, — იცინოდა ლურჯათვლებიანი და თეთრკანიანი თოჯინა.



## ნოდარის ოცნება

1.

გუშინ დილით ჩამოვიდა  
მოსკოვიდან ჩემი ბიძა.  
შორიდან რომ დაეინახე  
დავიბენ და ვერც კი ვიციან.  
არ დაემაღე, გეტყვით მართლად,  
სიხარულით ღამის ვხტოლი.  
მის ბრწყინვალე ოქროს ვარსკვლავს  
იციოთ, როგორ შევხაროდი?!  
დედას ვკითხე, ეს ვარსკვლავი  
რად მიიღო ბიძამ, ნეტავ?  
ჯერ აღერსით გამილიმა,  
მიპასუხა მერე დედა:  
მან მანქანა გააკეთა,  
თვითონ ფარცხავს, თვითონ თესავს,—  
კოლმეურნე გლეხებს მოჰყავთ  
მოსავალი უკეთესად.  
ამგვარ შრომას, ამგვარ საქმეს  
სასახელი ჭიღო ეღის.  
გავიზრდები და გავხდები  
გმირი გამომგონებელი.

2.

ამ მშვენიერ ფართო ქუჩას,  
მზე რომ აფენს უხვად ნათელს,  
იციოთ, იგი რად ატარებს  
ღესელიძის უკვდავ სახელს?  
ღესელიძე გმირი იყო,  
ხალხს ძალ-ღონე მოახმარა.  
სამშობლოში, ჩვენს მიწაზე,  
მან მტერი არ გაახარა  
გმირ არმიას მიუძღოდა,  
სწავდა ხალხის შომადაი.  
პირისიხიდან მტრების ურდოს  
მუსრს ავებდა ცეცხლის აღით.


როცა დიდი გავიზრდები,  
უნდა გავხდე ხალხის მცველი,  
როგორც გმირი ღესელიძე  
მამაცი და უძევებელი.

3.

ზღვისპირად დგას, თვალს აყობებს  
მოცურავე გემებს, ნავეებს,  
და საოცრად უკვირს ნოდარს  
ზღვის სიგრძე და ზღვის სიგანე.  
უზარმაზარ ტალღებს გემი  
როგორც ხმადი ისე ჰკვეთავს.  
გულს იტაცებს, ახალისებს,  
მეც ამ გემზე ვიყო ნეტავ.  
ზღვა ბობოქრობს, ზღვა ხმაურობს,  
თვალწინვედრი, გასაკვირი.  
გადაბაზო ეს ზღვა ვრცელი,—  
უნდა იყო მართლაც გმირი.  
შორს მოჩანან ღურჯ მთები,  
ზღვას არ უჩანს სიგრძე-განი.  
გავიზრდები და გავხდები  
დიდი გემის კაპიტანი!

\* \* \*

მოსწონს ნოდარს გარჯა, საქმე  
კაპიტანის, აგრონომის,  
ვინც ქვეყნისთვის იღწვის მუდამ  
აღად საქმით, აღად შრომით.  
სამჭოეთში ყველა შრომობს,  
დაუზარელს ყველა აქებს,  
რადგან შრომა ღირსების და  
სიმამაცის იქცა საქმედ.  
გავიზრდები, ავაყვავებ  
ჩვენს მშობლიურ მთებს და მდელს.  
არ დავგოგავ ჩემს ძალ-ღონეს,  
რომ სამშობლო ვასახელო.





მ. პიროშინი

„გამომგონებელი“

ერთ ჭაობში, ტირიფის ქვეშ, გარეულმა იხემა ჭუჭულები გამოჩეკა. დედამ ისინი ბილიკით ტბისაკენ წაიყვანა. შორიდანვე მოვკარ მათ თვალი და ხეს მოვეფარე. ჭუჭულებმა სულ ახლოს ჩაზიარეს; სამ მათგანს ხელი ვტაცე და შინ წაიყვანე. დანარჩენებმა გზა განაგრძეს. ეს შავი ჭუჭულები მალე წამოიჩიტნენ და ნაცრისფერები გახდნენ..

ერთი მათგანი ჭრელი, ლამაზი მამალი იხვი დაღვა, ხოლო ორი—დედალი, რომლებსაც დუსიკო და მუსიკო დავარქვი, რომ არ გაფრენილიყვნენ, ფრთები შევაჭერი და ეზოში შინაურ ფრინველებთან ერთად გავუშვი.

დაღვა თუ არა გაზაფხული, გარეულ იხვებს ძველმანებისაგან სარდაფში სწორედ ისეთი საბუღარი გავუმართე, როგორც ჭაობში ჰქონდათ. დუსიკომ თექვსმეტი კვერცი დაღვა და ჭუჭულებიც გამოჩეკა. მუსიკომ თოთხმეტი კვერცი დაღვა, მაგრამ კრუხად არასჯნით არ დაჯდა. რამდენი ვეცადეთ და იმ სულელმა დედობა მაინც არ ისურვა. სხვა გზა არ იყო, კვერცხებზე ჩვენი თავმომწონე შავი დედალი დაესკით.

გავიდა დრო. ჭუჭულები გამოჩეკნენ. ერთხანს ისინი სამზარეულოში მყავდა, კარგადაც ვუვლიდი.

თბილი დღეები დაღვა თუ არა, დუსიკო თავის შავ ჭურჭლებს გუბისაკენ წაუძღვა, შეემა კრუხმა კი თავისი შვილობილები ბოსტანში ჭიყყელების სამებნად წაიყვანა.



—ვიტ! ვიტ!—გაიძახოდნენ გუბეში ჭუჭულები.

—კვატ-კვატ!—უპასუხებდა მათ იხვი.

— ვიტ-ვიტ!—გაიძახოდნენ ბოსტანში ჭუჭულები.

—კრუხ-კრუხ!—ეპასუხებოდა მათ ქათამი.

ჭუჭულებს არ ესმოდათ, რას ნიშნავდა ეს „კრუხ, კრუხ“, ხოლო რაც გუბიდან ესმოდათ, ის გასაგები იყო.

„ვიტ-ვიტ“ — ნიშნავდა: „ჩვენიანო, ჩვენიანო“ ხოლო „კვატ-კვატ“—„გარეული იხვებო, მალე აქეთ მოცურდითო“.

და ისინიც რა თქმა უნდა, გუბისაკენ მიბრბოდნენ.

— მოცურდით, მოცურდითო!— და ისინიც იქით მიცურავდნენ.

— კრუხ-კრუხ!—კრიახობდა ნაპირზე შავი ქათამი.

ჭუჭულები კი მაინც მიცურავდნენ. ბოლოს იხვებში აირივნენ.

დუსიკომ სიხარულით მიიღო თავისი დისწულები.

იხვების დიდი ოჯახი მთელ დღეს

ცურავდა გუბეში; შავი ქათამი კი გაბრაზებული ბუზლუნებდა, თან გუბის პირას მიწას ქექავდა, რომ ჭიყვლეებით მაინც მიეზიდა იხვის ქუქულები.

სალამო ხანს, დუსიკომ ქუქულები მწკრივად გაიყვანა მშრალ ბილიკზე. მათ გრძელი ნისკარტების ქნევით ცხვირწინ ჩაუარეს შავ ქათამს, და არც ერთმა ყურადღება აღარ მიაქცია თავის დედობილს.

შინ ყველა ერთად მალალ კალათში ჩაესხით და სამზარეულოში, თბილ ქურასთან მოვათავსეთ.

დილით, ადრე, ჯერ კიდევ გვეძინა, რომ დუსიკო კალათის გარშემო დადიოდა და თან ქუქულებს ეძახდა. ისინი ერთხმად უპასუხებდნენ. ამ ჟრიამულში ერთი ქუქულის ხმა ცალკე გამოირჩეოდა;

სამზარეულოში გავიქეციით და ვნახეთ, რომ მარტო დუსიკო როდი ამოსულიყო კალათიდან, მის გვერდით ერთი ქუქული მოუსვენრად დარბოდა. როგორ შესძლო ამ პატარა ონავარმა კალათიდან ამოდრომა, კალათა ხომ ძალიან მათალი იყო! ამ ქუქულის ცალ ფეხზე ნიშანი დავადე და ისე გავუშვი.

მეორე დილას ქუქულის ხმა მოგვესმა თუ არა, სამზარეულოში გვეჩნდით იატაკზე დუსიკოსთან ერთად დარბოდა ის ქუქული, რომელსაც ფეხზე ნიშანი ედო. დანარჩენი ქუქულები კალათში წიოდნენ და ცდილობდნენ იქიდან ამოსვლას, მაგრამ ვერ ახერხებდნენ. ამ ონავარმა კი ტყვეობას მაინც დაადგინა თავი!

— მან რაღაც საშუალება მოიფიქრა, — ვთქვი მე.

— ეგ გამომგონებელია! — დაიყვირა ჩემმა ბიჭუნამ.

გადავწყვიტე, როგორმე გამეგო, თუ როგორ სძლევდა ეს „გამომგონებელი“ ამ ძნელ ამოცანას: ფარფლიანი თათე-



ბით როგორ ავიდა კალათის შვეულ კედელზე? მეორე დილას, როდესაც ჯერ კიდევ ბავშვებსაც და იხვის ქუქულებსაც ეძინათ, ავდექი და სამზარეულოში სინათლის ამომრთველთან დავჯექი, რომ სწაფად ამენთო ნათურა და დამენახა, რა ხდებოდა კალათში.

აი, გათენდა კიდევ.

— კვატ-კვატ! — აქოთქოთდა დუსიკო.

— ვიტ-ვიტ! — უპასუხა ერთმა ქუქულმა.

სრული სიჩუმე ჩამოვარდა. ეძინათ ბავშვებს, ეძინათ ქუქულებს. ფაბრიკიდან საყვირის ხმა მოისმა. დღის სინათლემ იმატა.

— კვატ-კვატ! — გამიგორა დუსიკომ.

არავინ უპასუხა. მაშინვე მივხვდი, რომ „გამომგონებელს“ არ ეცალა, ის უთუოდ ახლა სწვევტდა იმ თავის ძნელ ამოცანას და შუქი სწრაფად ჩაერთე, სწორედ ისე მოხდა, როგორც ვფიქრობდი: იხვი ჯერ ფეხზე ამდგარი არ იყო, ქუქულებს დედის ფეხის კვეშ ეძინათ; ხოლო ის ერთი, ფეხზე ნიშანი რომ ედო, მის ზურგზე ნელ-ნელა აცოცდა და როცა დუსიკო წამოღდა, შვილი კალათის პირამდე აიყვანა. ქუქული თავვევით გაცუნცულდა მის ზურგზე და სკუბ, ძირს გადახტა! მას დედაც მიჰყვა და დაიწყო დილის ჩვეულებრივი აურზაური. დედა-შვილის ხმაურმა მთელი სახლი გააყრუა.

ორი დღის შემდეგ, დილით, იატაკზე სამი ქუქული აღმოჩნდა. მერე ხუთი და ასე შემდეგ. როგორც კი დაიწყებდა დუსიკო ხმაურს, ქუქულები მის ზურგზე გაჩნდებოდნენ და ძირს იატაკზე ხტებოდნენ.

პირველ ქუქულს, როგორც გვისცამეკათვას, ჩვენმა ბავშვებმა „გამომგონებელი“ შეარქვეს.

ნახატები ვ. ზელეცკაიანი

ხეტი





# ბუნების კარი

ანა ხახუაშვილი

## თოფხალთას ამბავი

ჩენი სკოლის ბუნებისმეტყველების კაბინეტში იდგა თოფხალთას ფიტული, — ღორის დინგივით წაწვეტილი ცხვირით და ჩაუტუთული თვალებით.

ტყე სკოლის ფანჯრიდან კარგად მოჩანდა. აი, ამ ტყეში ცხოვრობდა ეს თოფხალთა, მის ბუნაგს ექვსი ხერელი ჰქონდა. თოფხალთას ეს ხერელები ჰაერის ზვასსუფთავებლად, და უმთავრესად კი იმიტომ ჰქონდა ვათხრილი, რომ შტრის თავდასხმის დროს ან ერთი ხერელიდან გაძვრებოდა, ან მეორედან; თავისი ფართო ბუნაგი გამზმარი ფოთლებით, ხასითა და ხმელი ბალახით ჰქონდა დაგებული. დიდ-მუცელა, ზარმაცი თოფხალთა მთელი დღეები პირქვე ეგლა და ეძინა, შებინდებისას იდროვებდა და სანადიროდ გამოდიოდა.

ტყის უზე წიაღში მისთვის ყველგან სუფრა იყო გაშლილი. მრავალ მცენარეთა ფესვები, ქიალები, ჩიტის კვერცხები, კურდღლის ბაჭიები, ყველა მისი საკვები იყო. მაგრამ, თუ კურდღლის ბაჭიებს ვერ მიაგნებდა, თავგებსა და ბაყაყებსაც კარგად შეეცქერდა. ყველაზე ძლიერ კი ახლად მოწეული სიმინდი უყვარდა. ამასთან ერთად ქურდბაცაცობაც ეხერხებოდა, და აი, სწორედ მაგ ქურდბაცაცობამ დალუპა ჩენი დარგველებული თოფხალთა.

ეს ამბავი ასე მოხდა: ერთ დღეს ამ ზანტ თოფხალთას ზემოხერელში თურმე მელა შეუსახლდა და სანამ მელას ხერინვა არ მოესმა, თოფხალთას არაფერი არ გაუგია, არხეინდ ეძინა.

— გენაცვალეთ, ეს რა უსუფთაო მდგმუერი ჩამისახლდა, ჩემს ბუნაგს მთლად გამიბინძურებს! — წაიღრტუნა თოფხალთამ და გაჯავრებულმა სანადიროდ გასწია. მიდის თოფხალთა, მოკლე ფეხებით მიბაჯბაჯებს და თვითონაც არ იცის, საით! უცებ მაღლა სერს მიადწია და შეჩერდა; ქვემოთ, სკოლის ეზოდან სიმინდის შრიალი მოესმა. თავქვე ჩასვლა მოკლე ფეხებით ძლიერ ეძიმებოდა თოფხალთას,

თანაც მთავრის ამოსვლისა ეშინოდა და ჩქარობდა. მაშინ თოფხალთამ თავის ნაცად ხერხს მიმართა: დაწვა და კვირტი გორგალივით \*) სცრიდან ძირს სწრაფად ჩაგორდა. აგერ, სკოლის ეზოც სულ ახლოს არის! მოწაფეების დათესილი და კარგად მოვლილი, ტანაყრილი სიმინდი ფოთლებს მომხიბვლელად აშრიალებს. თოფხალთა მოუთმენლად დადაცურდა. ბაჯბაჯით ლობეს აქეთ-იქით აუარ-ჩაუარა; შესაძრომიც იპოვნა, ჩაღუნა თავი და შეძვრა. მაგრამ, ვაი თქვენს შტერს, რაც იმას დღე დაადგა.

ლობეში შემძვრალ თოფხალთას ორიოდ ნაბიჯიც არ გადაუდგამს, რომ უცებ ზედ თავზე მძიმედ რაღაც დაეცა და გონება დაკარგა.

— აჰა, მოგველო თუ არა! — წამოიძახეს ბიჭებმა სიხარულით და ხაფანგისკენ გაქანდნენ. სანდრომ ქრავი ხელად ააწოთა და თოფხალთას დახედეს:

— ერთი შეხედეთ ამასა, ეს ხომ თოფხალთა ყოფილა! — თქვა სანდრომ.

— ახლა რა ეუყოთ, ბიჭებო, ამისი არც ხორცი ვარგა და არც ტყავი! — გაიცინა ნოდარმა.

— რას ამბობ, ხედავ მისი ზურგის პრიალა ჯაგარს?! იცი, ამისაგან რა ჯაგარისებს და წვერის საპარსავ ფუნჯებს აკეთებენ? — თქვა სანდრომ და დაუმატა: მაგისი ტყავი წყალს არ ატარებს, პაპაჩემს კაჟიანი თოფის ხალთად ჰქონდა მაგისი ტყავი და უეჭველია თოფხალთაც ამიტომ ეწოდება.

მეორე დღეს ბავშვებმა ერთი კარგი რომ მოისაზრეს. თოფხალთას ტყავი ფრთხილად გააძრეს და მარილწყარილი შეინახეს. რვა დღის შემდეგ თოფხალთას ფიტული ბუნებისმეტყველების კაბინეტში რომ შეიტანეს, მთელი სკოლის ბავშვები ჭვილბივილით შეჰყენენ. ძალღებმა, თოფხალთას დანახვაზე, კინაღამ იქაურობა დაანგრის, ისე ჰყევდნენ.

მას შემდეგ თოფხალთა ისევ იქა დგას და ჩაუტუთული თვალებით სულ ტყეს გაჰყურებს.

\*) მკიდროდ დახვეული ძაფის გორგალი.

## ავოკადო—„საწყალი გლეხკაცის ძროხა“

ასე გვესახიან ჩვენ. ბევრს უწინაურად ეჩვენება ეს სახელი. მართლაც საკვირველი რამ ვართ.


აბა, რომელიმე ხილმა დაიკვებოს ჩვენთა?! ტკუილად როდი შეგვარქვეს ეს სახელი; ჩვენ უკვე დიდიხანი ვეიცნობენ, ჯერ კიდევ ამერიკის აღმოჩენამდე, ადგილობრივ ღარიბ მოსახლეობას ჩვენ ვასაზრდოვებდით. ჩვენ ვიყავით მათი ხორცი, რძე, კარაქი, სალათა, წნილიც კი. სწორედ ამიტომ მათ ავოკადო გვიწოდეს, რაც „საწყალი გლეხკაცის ძროხას“ ნიშნავს.

ჩვენი ნაყოფი დიდი მსხლის ოდენაა, შეებდულეობითაც კი ჰგავს მას, მაგრამ მსხალი რა სახსრებელია ჩვენთან. ჩვენი ღამაზი ზეგების წვრილ ტოტებზე გრძელი კუნწით ჰკიდია მოყვითალო-მოშწვანო, ზოგჯერ მუქი იისფერი, ვეწებრთული ნაყოფები. ზამთარშიც რომ გვეწვიოთ, გულუხვად გავიმასპინძლებდით.

აბა, გასკერით, ნახეთ რა გემრიელია ჩვენი ნაყოფი! სწორედ ხორცსა ჰგავს, ვემო და ფერი კი ნამდვილი კარაქისა აქვს, რძეც კი...

რამდენჯერ მოსულან ჩვენთან ცველი ბავშვები: ზოგს ქვა უსვრია, ზოგსაც ჯოხით ჩამოუგდია ჩვენი მწიფე ნაყოფი, მაგრამ იგი ყუნწს მოსწყდება თუ არა, მაშინვე ამოტრიალდება და მიწაზე ძირით დგება. რაშიაც მისი ერთადერთი ცალი მსხვილი კურკა ეხმარება.

ჰო, იმას ვამბობდნენ—რძეც მეთქი; ძროხის რძე ჩვენი ნაყოფისაგან დამზადებულ რძეს როგორ შეედრება! ძროხის რძე ზოგჯერ იჭრება და ფუჭდება. ჩვენი რძე კი მუდამ კარგად ინახება. ამიტომაცაა, რომ ბავშვებს ჩვენი რძე უყვართ. ეჭიბებიც ავადყოფებს ხშირად უნიშნავენ წამლად.



მერე, რომ იცოდეთ რა კრემი და ნაყინი მზადდება ჩვენგან. ვიცი, არც ჩვენს მშვენიერ სალათასა და წნილს დაიწუნებთ.

აბა, კიდევ რომელიმე ხილმა დაიკვებოს ჩვენოდენა ვიტამინები, რის გარეშეც ადამიანს სიცოცხლე არ შეუძლია. ჩვენი ნაყოფი მდიდარია მინერალური ნივთიერებით, უფრო მეტად, ვიდრე ხორცი, კვერცხი, კაკალი და სხვა.

იცოდეთ, რომ ჩვენი ნაყოფით სისტემატური კვება ადამიანის ხანგრძლივი სიცოცხლის საწინდარია. წამლადაც გამოვდგებით კუჭის ტკივილის დროს, ან გულით დაავადებისას.

ჩვენი ნაყოფის ზეთი სახეზე რომ წაისვით, ქორფულსა და ლაქებს მოგაშორებთ, ძლიერ ათეთრებს სახის კანს.

ჩვენი მერქნიდან, ფოთლიდან და კურკიდან ამზადებენ შრავლნაირ ძვირფას ეთეროვან ზეთებს.

ახლა ჩვენ ბედნიერი სამკოთა ქვეყნის შვილები ვართ. ზურმუხტოვან საქართველოში შავი ზღვის ღამაზ ნაპირებზე—აფხაზეთსა და აჭარაში ვცხოვრობთ.

გახსოვდეთ, რომ სითბო ძლიერ გვიყვარს, 7 გრადუსამდე ციფას ძლივს ვიტანთ.

შედეგად, როდესაც წამოიზრდებით, უფრო ახლოს გავიცნობთ და შეგავჩვევთ თქვენი საყვარელი ქვეყნის სხვადასხვა კუთხეს.

ოთარ ნაღუკიძე

## ჩვენს მკითხველს

1951 წლის თურნალ „დილა“ № 5-ში მოთავსებული იყო გასართობი სურათებში, ასეთი სათაურით: „შეადგინეთ მოთხრობა“.

ამ სურათებს მიხედვით მოთხრობები შეადგინეს და გამოგზავნეს:  
**ნოდარ ბურჭულაძემ** (მხანობის რაიონის სოფ. შემოქმედის საშ. სკოლა); **გიანა ჯაბუნია** (ქ. გეგუქორი); **გივი მაისურაძემ** (ქ. თელავი, ვაჟთა მე-2 საშ. სკოლა); **დავით შირსურაძემ** (ქ. თელავი, ვაჟთა მე-2 საშ. სკოლა); **ანზორ მარაუაშვილმა** (მცხეთის რაიონის სოფ. პატარა ქანდის 8 წლიანი სკოლა); **დეკო ღვინჯილიამ**. (ქ. თბილისი, ქალთა მე-10 საშ. სკოლა); **ნათელა ბოლქვაძემ** (ქ. თბილისი, ქალთა 1-ლი საშ. სკოლა).





# ვეფხვი და მელა

ზლაპარი

ერთმა ვეფხვმა მელია დინახა. კბილები დააკრაქუნა, ბრკყალები გამოსწია და დაულ-რიოლა:

- შეგკამ!
- როგორ თუ შეგკამ, მე შენზე ღონიერი ვარ!

ვეფხვს გაუკვირდა:  
— ასეთი პატარა, ჩემზე ძლიერი ხარ? არა, ეს შეუძლებელია.

— აბა, ენახოთ!—უთხრა მელიამ,—გზას ერთად გავუდგეთ და დაუკვირდი, ვისი უფრო ეშინიათ, შენი თუ ჩემი? ვისიც უფრო შეტად ეშინიათ, ის უფრო ძლიერია, ძლიერი კი სხვას შეტამს.

დაეთანხმა ვეფხვი. გზას ერთად გაუდგნენ.

მელიამ წინ გაუსწრო, უკან კი ვეფხვი მისდევდა, მათ ყველა გაურბოდა.

ვეფხვი ხომ დილია, თუმცა მელიას უკან მისდევდა, მაგრამ მას შორიდანაც ხედავდნენ!

მელია კი ეუბნებოდა ვეფხვს:  
— აბა, ხომ ნახე, რომ ჩემი ყველას ეშინია. მე წინ რომ მივდივარ, გამირბიან. შენ კი ზედაც არავინ გიყურებს.

შეეშინდა ვეფხვს.—მელიამ არ შემიპამოსო, და კულამომკლებულმა მოკურცხლა.

მელია კი მისძახოდა:

— მართლაც ძლიერი ვყოფილვარ, შენც რომ შეგამინე! ეჰ, ვეფხვო, ვეფხვო, ის კი დაინახე რომ ყველას ჩემი ეშინოდა, ის კი ვეღარ შენიშნე, მელიამ როგორ მოგატყუა!

ნახატი გ. ფოცხიშვილისა

ყდახე: „როველი“ ნახატი ალ. გიგოლაშვილისა

მაუსისმეგებელი რედაქტორი რევაზ მარტიანი. სარედაქციო კოლეგია: გრ. აბაშიძე, ეკ. ბურჯანაძე, ი. გრიშაშვილი, თ. თუმანიშვილი, მაყ. მრეველიშვილი, ი. სიხარულიძე, ნ.უაფოშვილი, შ. ცხადაძე.

Д И Л А — ежемесечный детский журнал ЦК ЛКСМ ГРУЗИИ № 9, Сентябрь 1951 г. Тбилиси, Ленина 14. Детиздат Грузии  
საზღვრგამო. რედაქციის მისამართი: თბილისი ლენინის 14. მ.ს.პ.ტ.ლ. 3-7-48  
გამომც. შვედ. № 345 სტამბის შვედ. № 027/1950 ტირაჟი 1945 ელ. № 0111 ტექსტი ანუპობილია ე. პ. ზერბას სახელობის პოლიგრაფკომბინატკომუნისტის სტამბაში. კერძო დაბეჭდილია ოსტატის სისტემის მანქანებზე ზარია ეოსტატკან სტამბაში: თბილისი, რუსთაველის ქროს. № 42